

ԳԻՏՈՂՈՒԹՅՈՒՆՆԵՐ ARMANI, ARME ԵՎ URME ՆԵՐԿՐՆԵՐԻ ՄԱՍԻՆ

Հնագույն ցեղային միությունը Հայկական լեռնաշխարհում, մեզ հասած գրավոր աղբյուրների վկայությամբ, կազմավորվել է Ուլլիվի երկրում (տեղագրվում է Դիարրեքիի շրջանում)՝ Ուլլիվի երկիրը հիշատակվում է հին արևելյան վիճադրության մեջ հայտնի «Նարամսին» և նրա թշնամիներն անունով արձանագրությունում, որը գրվել է մատավորապես 11 հազարամյակի սկզբներին (մ. թ. ա.), հին խեթերենով՝ Ինչլես երևում է այդ արձանագրությունից, XXIII դ. (մ. թ. ա.) Լեկկադի թագավոր Նարամսինի ժամանակ (2290—2254 թթ. մ. թ. ա.) Լեկկադից հյուսիս և արևմուտք ընկած շուրջ 17 երկրների թագավորներ միացյալ ուժերով հարձակվում են նրա վրա²։ Այս արձանագրության մեջ Ուլլիվիի և մյուս 16 երկրների թվում հիշատակվում է նաև «...!Ma-da-ki-na LUGAL KUR URUAr-ma-ni...» (Մադակինան՝ Արմանի քաղաքի երկրի թագավորը)։

Դեռևս մ. թ. ա. XXIII դարում հիշատակվող Արմանի երկրի գոյությունը, ապա նրա ուսումնասիրների ցեղանվան համանմանությունը կարծես պահանջում է հենց պատմական այս ժամանակաշրջանից էլ սկսել Հայկական լեռնաշխարհի հնագույն ցեղերի պատմությունը՝ Արմանի երկրի տեղագրությունը մինչև այժմ ճշտված չէ, չնայած որ արևելագիտության մեջ ոչ բիշ կարծիքներ ու գիտություններ կան նրա մասին։

Բ. Հրոզնին Արմասին տեղագրում է լուլլուրիների երկրի և Լեկկադի միջև, Բարեկունից հյուսիս-արևելք, Ելեկով Նարամսինի մեկ այլ ընդդրից, որտեղ պատմվում է Սարգոն Լեկկադացու (Նարամսինի պապի, XXIV դ.) արշավանքների մասին Արմանի երկրի վրա՝ Նա Արմանին նույնացնում է ասորեստանյան թագավորներ Թիգլատ-Պալասար I-ի և Սարմանասար III-ի արձանագրություններում հիշատակվող Արման քաղաքի հետ, որը տեղագրվում է Զագրոսում, Ջերել-Համրիից արևելք։ Բ. Հրոզնին միաժամանակ գտնում է, որ Արմանին ոչ մի ընդհանուր բան չունի Արմենիա անվան հետ³։ Հետադադում Բ. Հրոզնին Արմանին տեղագրում է Հալեպի տեղում⁴։

Ի. Մ. Դյակոնովը կասկածում է խեթական այդ ընդդրում հիշատակվող անունների իսկություն վրա և որպես օրինակ մատնացույց անում Արմանի երկիրը, որի թագավորը Նարամսինի բուն արձանագրության մեջ⁵ հանդես է գալիս ոչ թե Մադակինա անունով, այլ Բեդ-Ադադ ձևով⁶։ Ի. Մ. Դյակոնովը այսպիսի կասկածները չի կարող արդարացվել, որովհետև հնարավոր է, որ խեթական արձանագրության մեջ հիշատակվող անձնանունը մեկ այլ լեզվով գրված ընդդրում հանդես գա, ասենք, թարգմանված ձևով։

Ուսումնասիրողներից Հ. Բյուտերրոկը⁷, Յ. Դելիչը, Ի. Դյակոնովը⁸, Վ. Ունգնադը⁹, Ջ. Բելլը¹⁰ Արմանին տեղագրում են հալման-հալվանի կամ Հալեպի տեղում։ Ասորեստանյան թագավորների արձանագրություններում հիշատակվող Արման, Արմունա, Արմանի երկրները

¹ Լ. Բարսեղյան, Հնագույն ցեղային միությունը Հայաստանում, ՀՍՍՌ ԳԱ «Տեղեկագիր» (հաս. գիտ.), 1962, № 1, էջ 87—90։

² E. Forrer, Die Boghazköi-texte in Umschrift, Leipzig, 1926, II, № 3; B. Hrozný, Naram-sin et ses ennemis d'après un texte Hittite, „Archiv orientální“, 1929, vol. I, № 1, էջ 65—76; H. G. Güterbock, Die historische Tradition und ihre literarische Gestaltung bei Babyloniern und Hethitern bis 1200, „Zeitschrift für Assyriologie und verwandte gebiete“, Berlin, 1938, Bd. 44, Heft 1—2, էջ 68—71; Լ. Ա. Բարսեղյան, նշվ. հոդ., էջ 88։

³ B. Hrozný, Naram-sin et ses ennemis d'après un texte Hittite, էջ 71—72։

⁴ B. Hrozný, Histoire de l'Asie Antérieure, Paris, 1947, էջ 110։

⁵ И. М. Дьяконов, Общественный и государственный строй Древнего Двуречья. Шумер, Москва, 1959, էջ 232։

⁶ G. A. Barton, The royal inscriptions of Sumer and Akkad, London, 1929, vol. I, էջ 140—141։

⁷ H. G. Güterbock, Die historische Tradition und ihre literarische Gestaltung bei Babyloniern und Hethitern bis, 1200, էջ 73—75։

⁸ И. М. Дьяконов, История Мидии, Москва, 1956, էջ 126—129։

⁹ A. Ungnad, Subartu, Berlin-Leipzig, 1936, էջ 51։

¹⁰ I. Gelb, Hurrians and Subarians, Chicago, 1949, էջ 103։

իրավամբ, ինչպես նկատել են արևելագետներից շատերը, նույնացվում են վերոհիշյալ Արմանի երկրի հետ։ Ասորեստանյան թագավոր Շարրուկին 11-ի (սարգոն Ասսուրացի, 1930—1948 թթ. մ. թ. ա.) արձանագրություններից մեկում Արմանի երկիրը հիշատակում է կուտիների, լուլլուրիների ցեղերի և Արրապիսա երկրի հետ միասին, որպես նրանց սահմանակից մի մարզ¹¹։

Դեռևս 1929 թ. հայագետներից Գ. Գարանֆիլյանը, ծանոթանալով Բ. Հրոզնու աշխատությանը Նարամ-սինի արշավանքի մասին, գտավ, որ Արմանի երկիրը պարսկական արձանագրություններում հիշատակվող Արմինան (Armīna) է¹²։ Արմանին Արմինայի հետ նույնացնելու փորձն առաջին անգամ կատարել է Հ. Տաշյանը, որը, սակայն, չկարողացավ դարձացնել իր տեսությունը։ Հ. Տաշյանը գտնում էր, որ Արմանին պետք է որոնել ոչ Թրակիայում, ոչ էլ Նվրոպայում՝ այլ Արևելքում¹³։ Սակայն այսպիսի նույնացման օգտին արտահայտած այդ տեսությունը պաշտպանություն չգտավ և արևմտաերოպական ուսումնասիրողների զղալի մասը մերժեց այն։ Այդ ուսումնասիրողները հիմնականում ձգտում էին ապացուցել, որ Արման > Արմինա > Արմեն ցեղանունը իր մեջ պահպանել է Հոմերոսի կողմից «Իլիականում» հիշատակվող արիմների (arimoi) անունը և որ արիմները հանդիսանում են հայերի նշեկվոր պահան նահապետները։

Ինչպես հայտնի է, առաջին անգամ Ս. Պարչը այդ արիմներին տեղագրեց Էրժիսս (Արդախոս) հրաբխի շրջանում, Կեսարիայի մոտ։ Հ. Մարկվարտը արիմ-արմեններին տեղագրում է նախ Փոյուդիայում՝ Անկարայի մոտ և Հալիսի միջին հոսանքում, ապա տրհեստականորեն գծում է նրանց գաղթի ճանապարհը դեպի Փոքր Հայք։ Այն հարմարեցնելով իր տեսությանը՝ Սաուդարանելով armin-armen ցեղանունը, Հ. Մարկվարտը, ինչպես և հետագայում Լանդլուան, գտավ, որ այս անվան արմատը arm-ն է, իսկ երկրորդ սասը՝ ուրարտական inl կամ ina վերջածանցն է։

Ուսումնասիրողներից Իոշարը armen-ը ստուգաբանում էր որպես սեմական ծագում ունեցող ցեղանուն, որի հիմքը տեսնում էր երրայական մին (min) կամ միննի (minni) արմատի մեջ։ Իոշարի տեսության ջնքմ պաշտպաններից էր Կ. Ա. զե Կարան։ Վերջինս գտնում էր, որ արմենները նույն Մաննա երկրի բնակիչներն էին, որոնք սակայն սեմական ծագում չունեին¹⁴։ Պնդելով, որ Armīna ցեղանունը կաղմված է մինի (mini) կամ մանի (mani) արմատից, Կ. զե Կարան Armīna-ն կարդում է Karmīna (Կարմինա) ձևով, որի մեջ, ըստ նրա, kai-ը տեղ, բնակավայր ցույց տվող մասնիկ է և քանի որ կոկորդային k-ն բնկնում է, ապա հարկավոր է այն կարդալ որպես Արմինա (Armīna) կամ Արմենիա (Armenia)¹⁵։

Լադարդի կարծիքով armen ցեղանունը արիական ծագում ունի, որի հիմքը Anramainy-ն է։ Ուսումնասիրողներից Ֆինցըր, պաշտպանելով Լադարդի տեսությունը, դանում էր, որ armen ցեղանունը համապատասխանում է Եվսերիոսի մոտ հիշատակվող Mivuas-ին (այսինքն ընդունում է min կամ main արմատի գոյությունը)¹⁶։

Հյուրշմանը, Կիպերտը, Լեման-Հաուպար, Հ. Տաշյանը և Գ. Ղափանցյանը armen ցեղանունը համարում են տեղական ծագում ունեցող ցեղանուն, որը միդիացիների միջոցով է տարածում գտել ինչպես պարսիկների, այնպես էլ հույների մոտ¹⁷։

Ի. Բ. Պիոտրովսկու կարծիքով Arme ցեղանունը իրականում պետք է կարդալ տեղ ցույց տվող ni վերջածանցի հետ միասին, այսինքն Armeni կամ Armini ձևով (սեպագիր Նշանը կարող է արտահայտել և՛ me-ն, և՛ mi-ն)¹⁸։

¹¹ Reallexikon der Assyriologie, Berlin, 1928, t. 1, էջ 241։

¹² Գ. Գարանֆիլյան, Նարամ-սին և իր թշնամիներն ըստ հարյան թագրի, «Հանդես ամսօրեայ», 1929, № 5, էջ 287—288։

¹³ Հ. Տաշյան, Ուսումն դասական հայերէն լեզուի, Վիեննա, 1920, էջ 133։

¹⁴ Կ. Ա. զե Կարան, Արմենիա անվան ստուգաբանություն և հայ աղգի ծագումն, «Բաղմավեպ», 1899, № 12, էջ 576։

¹⁵ Նույն տեղում, էջ 577։

¹⁶ Նույն տեղում, էջ 578։

¹⁷ Г. Капанцян, Историко-лингвистические работы, Ереван, 1957, էջ 190—191։

¹⁸ Б. Б. Пиотровский, О происхождении армянского народа, Ереван, 1945, էջ 10։

Հնդեվրոպական խեթերենում¹⁹, լուվիերենում²⁰ և հիերոգլիֆ խեթերենում²¹ հանդիպող *arma* բառը հանդես է գալիս լուսին իմաստով և իր հերթին արմատավորում է մի շարք հատուկ անուններ (*Arma-ziti*, *Arma-piya*, *Arma-wiya*, *Arma-nani*, *Arma-datta*, *Arma-muwa*)։

Հնդեվրոպական միքենյան հույների գծային B գրությամբ արձանագրված մի բեկորի վրա նույնպես կարդացվում է $\Delta\rho(\epsilon)\mu\epsilon\nu\tau\varsigma$ (*Areimenes*) անունը²²։

Խեթական թագավորների Սուպպիլուլիումայի²³ և Մուրսիլ II-ի²⁴ դաշնագրերում ու տարեգրություններում հաճախակի հիշատակվում է Արմատանա (*Armatana*, երկիրը, որն իր հարձակումներով լրջորեն անհանգստացնում էր խեթերին)։

Խայասա-Ազգիի ցեղային միության կազմի մեջ մտնող Արմատանա երկիրը տեղագրվում է Երզնկայից հարավ-արևմուտք, Մնձուրի լեռների ստորոտում (Մեծ և Փոքր Արմուտանների գյուղերի շրջանում) և հյուսիսում սահմանակից էր կասկայական ցեղերին։

Վ. Բրնրցյանուն, ելնելով Ս. Տ. Երեմյանի կողմից հայտնված այն կարծիքից, որի համաձայն Արմատանան պետք է համարել Խայասա-Ազգիի մասը կազմող երկիր և Խայասայի սահմաններում էլ որոնել այն, մի քանի դիտողություններ է անում Արմատանա երկրի ժողովրդի ցեղային պատկանելիության մասին, Արմատանա և Արմե ցեղանունները առաջացած համարելով միևնույն հնդեվրոպական արմատից (*Arma* = *Arme*), նա գտնում է, որ միայն ենթադրարար կարելի է ընդունել, թե Արմատանա երկիրը Խայասայի կենտրոնական մասում առաջացել է հնդեվրոպական արիմների գաղթի հետևանքով, երբ դեպի Տավրոսի լեռները շարժվող այդ ցեղերը մի որոշ ժամանակ մնացին ու հաստատվեցին Խայասայում։ Տեղաշարժ կատարող այդ ցեղերը հետագայում իջան Հայկական լեռնաշխարհի հարավային մասը, որտեղ և կազմեցին արմենների թագավորությունը Արմե երկրում²⁵։ Սակայն դա սոսկ ենթադրություն է և այն էլ անհավանական։

Աստուրական աղբյուրներում հաճախակի հիշատակվում է Ուրումե երկիրը, որը սովորաբար նույնացվում է Արմե երկրի հետ։ Ուրումեացիների մասին առաջին տեղեկությունները տալիս է Թիգլատպալասար I-ը (1115—1077), նա հայտնում է, որ իր գահակալությունից շուրջ կես դար առաջ «Խաթթի երկրի անհնազանդ մարդիկ»՝ կասկայցիներն և ուրումեացիների ցեղերը, որոնք ներխուժել էին հյուսիսից, գրավեցին Ալզի և Պուրուլումզի երկրները²⁶։ Մեկ այլ ընդգրկում կասկայցիների փոխարեն ուրումեացիների հետ հանդես են գալիս արեշլացիների ցեղերը, որոնք նույնպես կասկայցիներ էին²⁷։ Ս. Տ. Երեմյանը այս ուրումեացիներին տեղագրում է Խայասայում, որտեղ, ըստ նրա, բնակվում էին հայերի հնդեվրոպական նախնիները՝ արիմները, resp ուրումեացիները, որոնք մուշկերի հետ միասին իջան մինչև Տիգրիսի հովիտը և իսկեց ենթարկեցին Ասորեստանի տիրապետության տակ բռնվող Շուրարտու (*Շուպրիա*) երկիրը²⁸։

Մեր կարծիքով այս ուրումեացիների ցեղերը բնակվում էին Արմատանա երկրում և կազմում էին նրա հիմնական բնակչությունը։ Սակայն մենք չենք կարող ընդունել այն տեսությունը, ըստ որի ուրումեացիները «Իլիականում» հիշատակվող նույն արիմներն էին, որոնք փոյուզիա-

¹⁹ E. Laroche, *Recherches sur les noms des dieux Hittites*, Paris, 1947, էջ 80։

²⁰ E. Laroche, *Dictionnaire de la langue Louvite*, Paris, 1959, էջ 30—31։

²¹ E. Laroche, *Les Hieroglyphes Hittites*, Paris, 1960, vol. 1.

²² A. Ventris and J. Chadwick, *Documents in Mycenaean Greek*, Cambridge, 1956, էջ 416։

²³ E. Weidner, *Politische dokumente aus Kleinasien die Staatsverträge in Akkadischer sprache aus dem archiv von Boghaz-Köi*, Berlin, 1923, էջ 3—4.

²⁴ H. G. Güterbock, *The Deeds of Suppiluliuma as told by his son Mursili II*, *Journal of Cuneiform Studies*, 1956, vol. X, № № 2, 3, 4.

²⁵ В. Бэнэцяну, Некоторые вопросы этногенеза армян, *«Историко-филологический журнал»*, 1961, № 2, էջ 114—115։

²⁶ И. М. Дьяконов, Ассиро-Вавилонские источники по истории Урарту (АВНИУ), № 10, I, 62 (ВДИ, 1951, № 2, էջ 270)։

²⁷ АВНИУ, № 11

²⁸ Ս. Տ. Երեմյան, Հայերի ցեղային միությունը Արմե-Շուպրիա երկրում, «Պատմա-բանասիրական հանդես», 1958, № 3, էջ 61։

ևսանդերի հետ միասին ներգաղթ կատարեցին դեպի Հայկական լեռնաշխարհ, XIV—XIII դդ. (մ. թ. ա.), ժամանակավորապես հաստատվելով հայաստանի տերիտորիայում, XIII դ. վերջերին սահմանակից կասկայական ցեղերի հետ միասին ներխուժեցին հարավ, գրավելով Ալդի, Պուրուլումզի, Շուպրիա երկրները և վերջնականապես այստեղ կազմավորեցին Արմե-Շուպրիա պետությունը:

Ուրումեացիների տեղաշարժը Արմե-Շուպրիայում ակնհայտ է, քանի որ ինչպես ասուրական, այնպես էլ ուրարտական աղբյուրները վկայում են այդ փաստը: Հետ ուրարտագետների մեծ մասի, սկզբնաղբյուրներում հիշատակվող Ուրմե, Ուրմեուխի և Արմե երկրները նույնացվում են: Արմե երկրի մասին ուրարտական արձանագրություններում միակ տեղեկություն տալիս է Սարգուրի II (764—735) թագավորը, որը արշավի ելնելով «... հաղթեց Արմե երկիրը, հաղթեց Նիխրիանի քաղաքը, երկրի թագավորական քաղաքը...»²⁹:

Ուսումնասիրողներից Կ. Ղափանցյանը, Բ. Պիոտրովսկին, հետագայում Հ. Մանանդյանը և Ի. Դյակոնովը, ուշադրություն դարձնելով Արմե երկրի անվան և armen ցեղանվան միջև եղած կապի վրա, եկել են այն եզրակացության, որ armeni ցեղանունը հանդիսանում է երկրորդական գոյացում ուրարտական Ու վերջածանցով, որը ծագել է խուրրի-ուրարտական լեզվահիմքի վրա, դեպի Արևմտյան Տիգրիսի ակունքների շրջանը հայերի նախնիների գաղթելուց հետո:

Արմե երկրի տեղադրման հետ է կապվում նաև Նիխրիանի քաղաքի տեղադրությունը: Նիխրիանի քաղաքի տեղագրման հարցում ներկայումս կան բազմաթիվ կարծիքներ, որոնց մեջ հավանական և համոզիչ դիտողությունները պատկանում են Հ. Մանանդյանին ու Ս. Սրեմյանին: Հ. Մանանդյանը Նիխրիանի քաղաքը փնտրում է Արևմտյան Տիգրիսից հարավ, Քաշշիարի լեռներում³⁰, Այսպիսի տեղադրումը հաստատվում է Ասսուրում եղած ասուրական փոխարքա-էպոնիմների՝ 66-րդ քարակոթողի արձանագրության վկայությամբ, ըստ որի Նիխրիա՝ Նիխրիանի շրջանը գտնվում է Նինվե և Կազմուխի երկրների միջև³¹, այսինքն՝ ներկայիս Մոսուլի մոտ, նրանից արևելք, Տուր-Արդին-Քաշշիարի լեռներում, Զեզիրե և Միդիազ քաղաքների հարակից շրջաններում³²:

Ս. Սրեմյանը Նիխրիանի քաղաքը վերջնականապես տեղադրում է Կազմուխի շրջանից արևելք, «Տիգրիսի գալարի մոտ, նրա աջ ափին, այնտեղ, ուր Կովկասյան ռազմական շտաբի տասը վերստանաց քարտեզի վրա նշանակված է Նիխան-դաղ լեռնագագաթը»³³, Նա միաժամանակ հանգում է այն եզրակացության, թե Նիխրիանի քաղաքի տեղադրումը Տիգրիսից հարավ ցույց է տալիս, որ ասորեստանյան և ուրարտական աղբյուրներում հիշատակվող Արմե\Ուրումե\Ուրմե\Ուրմեուխի երկիրը չի կարող կապ ունենալ այդ քաղաքի շրջանի հետ: Դրանք միանգամայն տարբեր տերիտորիաներ են³⁴:

Ս. Ս. Սրեմյանը հիմնականում զարգացնում է այն թեզը, որի համաձայն մուշկերի, նախախեթական արխագա-չերքեղական կասկայցիների կամ արեշլայցիների ցեղերի հետ միասին հայերի հնդեվրոպական նախնիները արիմներ-ուրումեացիները հայասա երկրից գաղթեցին դեպի Հայկական լեռնաշխարհի հարավային շրջանները, հաստատվելով Արևմտյան Տիգրիսի ակունքների շրջանում, աստիճանաբար նվաճելով խուրրիարենակ Շուպրիա երկիրը, որտեղ և հիմնադրեցին Ուրումու, Արիմե, Արմե թագավորությունը³⁵:

Անհավանական է թվում ուրումեացիների և արմենների (կամ արմեացիների), ինչպես և Ուրմե ու Արմե երկրների նույնացումը ուսումնասիրողների կողմից: Ուրմե և Արմե անունների հնչունական անմիատեղի նմանությունը իրավունք չի տալիս դրանք նույնացնելու ինչպես ասուրական, այնպես էլ ուրարտական աղբյուրներում մեզ չեն հանդիպում Ուրմե երկիրը Արմե երկրին տեղագրապես նույնացնելու վկայություններ:

²⁹ Г. А. Меликишвили, Урартские клинообразные надписи, Москва, 1960, № 156, DI+DII.

³⁰ Я. А. Манандян, О некоторых спорных проблемах истории древней Армении, Ереван, 1956, էջ 138—141.

³¹ АВНИУ, № 40.

³² Ս. Ս. Սրեմյան, Հայերի ցեղային միությունը Արմե-Շուպրիա երկրում, էջ 66:

³³ Նույն տեղում:

³⁴ Նույն տեղում, էջ 67—68:

³⁵ Նույն տեղում, էջ 68—72:

Ուրմե երկիրը համարյա բոլոր ուրարտագետների կողմից իրավացիորեն տեղադրվում է Սասունի լեռների շրջանում, իսկ Արմե երկիրը, ինչպես վերևում տեսանք՝ Սասունից հարավ-արևելք Քաշշիարի լեռների շրջանում, Տիգրիսից հարավ, նրա դալարի մոտ։ Փաստորեն աղբյուրները մատնացույց են անում միանգամայն տարբեր երկու երկրների գոյության մասին։

Խուրրիական մյուս՝ Ուրմեից բոլորովին տարբերվող և հետո գտնվող Արմե երկիրը միացվեց Ուրարտուի թագավորությանը և պատեհչի ղեր էր կատարում ասորեստանցիների, ապա հետագայում պարսիկների դեմ։

Ս. Տ. Երեմյանի կողմից Նիխրիանի քաղաքի տեղադրումը միանգամայն ճիշտ է և այն երբեք չպետք է անջատել Արմե երկրից, վախ դղալով այն բանի համար, որ Ուրմե երկիրը այլ վայրում է տեղադրվում, բանի որ հայագիտության մեջ բնորոշված տեսությունը Ուրմե-Արմեի նույնացման մասին փաստորեն չի հաստատվում և ժխտվում է։

Մեր կարծիքով խուրրիարենակ Արմե երկրի մասին պահպանված հնագույն վկայությունները պետք է համարել հեղ. խեթական և հին ասորական ընագրերը, որոնց Արմե ցեղանունը հանդես է գալիս Արմանի, Սրմունա անուններով։

Ակկադի թագավոր Նարամսինի (XXIII դ. մ. թ. ա.) և Ասորեստանի թագավոր Սարգոն Ասսուրացու (XX դ. մ. թ. ա.) արշավանքները ղեկավարում էին Արմանի երկիրը տեղի են ունեցել հետագայի Արմե երկրի տերիտորիայում, այսինքն Քաշշիարի լեռներից արևմուտք, Տիգրիսի հարավային շրջաններում։ VIII դ. (մ. թ. ա.) միացվելով Ուրարտուին, Արմանի-Արմե երկիրը երկար ժամանակ պահպանեց իր գոյությունը։ VI դ. (մ. թ. ա.) անկախություն ձեռք բերեց և սկսեց իրեն ենթարկել ղեկավարելու հյուսիս-արևելք ընկած տերիտորիաները։

VI դ. (մ. թ. ա.) վերջերից Արմանի-Արմե երկիրը պարսկական արձանագրություններում հանդես է գալիս Արմինա ձևով։ Արմանի Արմե Արմինա երկիրը, ինչպես և նրան սահմանակից շրջանները զբաղեցնող ցեղերը սկսում են տեղաշարժ կատարել ղեկավարելու և ղեկավարվելու հյուսիս-արևելք՝ Արատասյան դաշտավայրը։ Հարավից հյուսիս տեղաշարժ կատարող այս ցեղերի մասին, մեր կարծիքով, լավագույն տեղեկությունները հաղորդում է Մ. Խորենացին (Հայոց պատմություն, գիրք I, գլ. 10 և 12), երբ պատմում է այն մասին, թե ինչպես Բելին ենթարկվել չքանկացող Հայկը բարեկոնում իր շրջի Արմենակի ծնվելուց հետո ղնաց հյուսիսում գտնվող Արարատյան երկիրը, ճանապարհին իրեն ենթարկելով տեղաբնիկ ցեղերին։

Այսպիսով, armen ցեղանունը բուն տեղական խուրրիական ծագում, որը երբեք չի առնչվում ժիլիականության հիշատակվող արիմների ցեղանվան հետ. դրանց նույնացման փորձերը արհեստական են ու թիշ հավանական։

Հայկական լեռնաշխարհի հարավում կազմավորված Արմե ցեղային միությունը, ինչպես Խայասա-Ազգին հյուսիսում, ազգային ղեր խաղաց տեղաբնիկների միավորման գործում։

Հնդեվրոպական փոյուղիական մուշկերը և հնդեվրոպական խայասական ցեղերը, հյուսիսից տեղաշարժ կատարելով ղեկավար Հայկական լեռնաշխարհի հարավային և հարավ-արևելյան շրջանները, իրենց են ենթարկում ուրարտալեզու և խուրրիալեզու ցեղերն ու երկրները։ Միջցեղային հաղորդակցման հիմնական միջոցն է դառնում հնդեվրոպական բնտանիքին պատկանող խայասերներ, որը միաժամանակ հարստանում է փոյուղերենի և միգիերենի տարրերով, զգալի ազդեցություն կրելով նրանցից։

Խուրրիական և ուրարտական ցեղերի լեզուներն աստիճանաբար տեղի են տալիս, իսկ հայոց լեզուն հետզհետե ստանում է Հայկական լեռնաշխարհի ներքին շրջաններում ապրող ցեղերի մեջ, դրանով իսկ նպաստելով հետագայում այդ ցեղային լեզուների ձուլմանը, որի կրողները II դ. (մ. թ. ա.) արդեն միալեզու էին և էթնիկական տեսակետից կազմում էին մի միասնություն։

Լ. ԲԱՐՍԵՂՅԱՆ